




ИЛЛЯ ВАСЬ

ДЗИЗГЫСЬ - ДЗАЗГЫСЬ ГУТ



ИЛЛЯ ВАСЬ

ДЗИЗГЫСЬ-ДЗАЗГЫСЬ ГУТ



КОМИ КНИЖНОЙ ИЗДАТЕЛЬСТВО  
СЫКТЫВКАР  
1971





Дзизгысь-дзазгысь гут,  
Госыс сизим пуд,  
Талун чеччис  
Шонді петтөдз.  
Мошкоритчис асывбыд.  
Пуис чөскыд яя шыд.  
Пирөг-шаньга артмис бур.  
Шузьö чукъя быгъя сур.  
Пасьталіс шөвк сарапан.

Водзас пунктіс рөмпöштан.  
Вылас öшліс унасікас  
Исерга да югыд сикөтш.  
Дзирнясьö да вежнясьö,  
Вежнясьö да дзирнясьö.  
Кокнас топ, кинас тап —  
Талун гутыд миян тшап.  
Сарапаныс сылөн мича:  
Талун гутыд именича!



Брун да бран да шур да шар:  
Пузис ыджыд самовар.  
Самоварын ваис пөсь.  
Локтө гөстя, локтө гөсть.  
Гөстяс пытшкын медбур тан  
Виж мундира төрөкан.  
Сылөн гөтыр щельсьыс вөрзис,  
Ассьыс пиян кыскис сьөрсьыс —

Пиис сылөн, гашкө, комын:  
Сулалёны пызан помын.  
Өшинь пырыс чирк  
Пызан сайө — звирк!  
Роч ной гача пытшыд  
Эз тай, майбыр, мытшась.  
Сылы пырны оз ков  
өдзөс —

Важөн пызан сайын  
жөдзө.

Ызгис-пырис лөдз —  
Сук пармаса пөч.  
Вөсни коска кодзувкот  
Нәмсө тэрмасьö, оз чот.

Корсьö бобув  
Аслыс кобув:

Аддзис гутлысь жыр,  
Пырис пырысь-пыр.  
Некод лудикөс эз чукөст —  
Щельсянь тыдовтчис гөрд дукөс,  
Одеколон сьөрсьыс вайö.  
Дукыс пөтөлөкөдз кайö.

Кысьсö гөстя лельö-бобö,  
Сюрнас-пельнас туйсö шобö.



Локтіс пызан дорö,  
Шомйöв пань тыр корö.  
Ичöтик да жеб  
Воис кыськö геб.  
Лэбзис шомгаг — жбыр...  
Гöстя — керка тыр.  
Нимлун пирöгыд оз чир öд:  
Сійöс сизимдас гöсть йирö!



Рушку гөстяслөн тыри,  
Ваыс самөварысь быри.  
Ставыс найö юысь рөдысь:  
Пукты самөвартö мөдысь!  
Именича, кылö, дзуртö:  
«Сөйöй-юй сьолөм нуртö!  
Видлöй ёдi черинянь!  
Энö пуктöй кисьыд пань!  
Бобув, муса чой,  
Льöмья лязсö сөй».



Чомөр сэйё номыр,  
Выйössьёма вомыс!

Кыз рушкау черань  
Позсянь дзоргё зверён,  
Гезйён другысь шырк



Гутлысь вöсни гырк,  
Пемыд пельсö гур-гар...  
Грым-йирк пöри самöвар.  
Черань нартитчö гут вылын,  
Шуö шпыннялигтыр сылы:

«Именича,  
Зэв тэ мича!






Волькыд тэнад юр,  
Яйыд госа, бур!»

Горзё гутыд лёкысь:  
«Мездой менё шогысь!  
Мезздой, мезздой, меззз...  
Орөдой чераньлысь гез!»  
Повзис гаг чукорыд ёна  
(Юрыд быдөнлы өд дона!):





Лудік пырис пыді щельö,  
Лөддзыд корсьö пöлать пельöс.  
Номырлөн вежыньтчис вомыс,  
Аддзис дзебсянін — нянь шомöс.  
А кузь кока чирк  
Паччөр вылө звирк.





Быдөн разі-пельö лөсйö,  
Гутöс мездыны оз кöсйы.  
Гутöс гезйөн черань гартлö,  
Мышкас мый вермöмсьыс вартлö,  
Кöсйö чегны сьылідзир,  
Юны лöсьöдчö нин вир.  
Мича сарапаныс чездіс...  
Некод коньöрöс оз мезды.  
Кыськö вöрысь удал. том,  
Збой сьөлöма лэбзис ном.

Киас кутö лэчыд чер:  
«Кытöн паськыд горша зверь?»  
Уськөдчас кызд черань вылö —  
Юрсö сötис черөн сылысь.  
Тадзи мездіс гутöс том,  
Збой сьölöма ном.  
Сэсся гутлы шуö номыд:  
«Тэнö мезді черань вомысь...



Тэнад талун праздник лун.  
Ме сайё тэ, гутёй, мун!»

Тринь да тронь да бум да бом!  
Гут вылё гётрасьё ном.  
Щелльысь петіс тёрёкан,  
Чиркыд сійё важён тан.



Став гөстяыс воис бөр,  
Весиг керкаө он төр.

Ставыс ворсө,

Ставыс горзө:

«Збодер ном да мича гут,

Сиам тиянлы бур шуд!»

Жөник миян том —




Збой сьёлёма ном.  
Невестаыс шань —  
Дзизгысь-дзизгысь ань.

Зымгы, сапөг, грымгы, кок,  
Талун вунөдлам ми шог.  
Ызгө-бызгө лөдз:  
«Йөктам асылөдз!

Гутыд миян медся мича,  
Сійө талун именича!  
Медся смел и медся том  
Миян вөсни кока ном!»

Чиктылөны гир да гир.  
Гутлөн талун гажа пир.





11 көп.



Илля Вась

(Василий Ильич Лыткин)

МУХА-ЦОКОТУХА

На коми языке

Оформление художника В. М. Пунегова

Редактор В. А. Полов. Техн. редактор А. Н. Вишневая

Худож. редактор А. В. Мошнев.

Корректор А. А. Налуткина.

Сдано в набор 18/V/1971 г. Подписано к печати 1/XI/1971 г.  
Формат 70x90/16. Пум. л. 6,6. печ. л. 1,0. Уч. изд. л. 1,51.  
Тираж 5000 экз. Заказ № 297. Цена 11 коп.  
Коми книжное издательство, Сыктывкар, Дом печати.

г. Сыктывкар, Республиканская типография, Управления по печати  
при Совете Министров Коми АССР